

# Voceru pe a morte di Prete Santucci

di Petricaghju d'Alisgiani


Lento Doloroso.



Quan du n'in te si la nò va A la



fe re ra d'O rez za, Mi sen tii punghie lù cò re, d'u na a



cu ta, e cru da irez za, Qua si cheo nun ve ni



me nù, Di du lo re, e te ne rez za.

O surelle, or quì sentite  
La nutizia oghie chi corre?  
Dicenu: « È mortu Santucci,  
Omu di tantu valore »  
Dicenu « È mortu Santucci  
Omu di tantu valore. »

Nò, Santucci nun è mortu:  
Eo m'ingannu e facciu errore:  
Nun s'è piattata la luna,  
Nun s'è scuratu lu sole;  
Le stelle in lu so viaghju  
Hanu tutte u so culore.

Oh! lu miò duttur di legge,  
Duttore di medicina,  
Duttore per pover'òmi  
Senza mai piglià quattrina!  
Qual'è chi nun pienghierane  
Oghie tamanta ruina?

O duttori, la dicu a voi,  
Ch'imburgate li danari:  
Perchè quì nun li lasciate,  
E un ne fate i vostri affari?  
Tantu pòi ghiunghe la morte  
E noi simmu tutti pari.

Or pienghimmu la so morte,  
E pienghimmu u nostru male,  
Istamane in Alisgiani  
Vegu più d'un funerale;  
Ch'un duttore cume questu,  
Nun ci arriva per avale.

Ci daranu un preterellu,  
Chi sarà scortu e villanu,  
E la casa di Missere  
Guardaremmu da luntanu.  
Ciò che noi davamu ad ellu,  
Ci turnava a cascà in manu.

Oh! quantu chi ci s'andava,  
Quantu chi ci cumparia,  
La dumenica all'altare  
Ch'u Vangelu ci spunia;  
Lu sapia tuttu a la mente  
Cum'eo sò l'Ave Maria.

Quanti mai ci n'è arrivatu  
Da vicinu e da luntanu,  
Tutti a dimandane infornu  
Quì da voi, signor piuvanù!  
Ma risposta nun li date,  
E scuntenti si ne vanu.

Oh! quantu pò pienghie Orezza  
Cu la pieve d'Alisgiani;  
Perchè mortu ci è Santucci,  
Fatastu cu le so mani!  
Qual'è chi le sanerane  
L'osse di li cristiani?

Quanti mai ci ne venia  
Tutti cun l'osse scassate,  
U piuvanù l'accunciava  
Cu le so mani fotate;  
Or pudimu pienghie a beru  
Chi stamane sò ligate.

Un sentite le campane  
Cume sonanu a pietà?  
Par che l'aghianu capita  
La nostra necessità  
Par che boglianu fà pròva  
Di fallu risuscità.

Stamane in la nostra chiesa  
È scavatatu u pavimentu,  
Qual'è chi m'assisterà  
Nu miò ultimu mumentu?  
Che nell'òra d'a miò morte  
Cridia d'avebbi per sustentu.